

Rajottya Pyitru Niquejada Cateramu

Pyítrubay muchuveda

1-2 Ray Pyítru, Jesucrístu nusubyi, ray nurya catera jiryejyu, Jüdenumusiý juresavay jiryatiy sajaryeta jirye jiryetyevay cabyimusiý jijyu, jiryevyicha diye juravye Póntumu, Cadásiyamu, Capadósiyamu, Ásiyamu, Bitíniyamu jarye títaju. Sajaryetada Vujye jirye, jiryatiy sadatyadanuma jityaju jiryedye: “Riryaday tuvachu rimu.” Sajaryetada variy jijyu jirye, Suntuta, jiryatidye siitye variy saju, sapuy variy jiryivasirya jijyuuchuveda Jesucrístu nudajamusiy, jiryatiy vujyuuchuveda jiyasayadamu sabatyeda. Sama jasachura yentyutyada jiryejyu, samirya vichasada jarye risaju.

Jüdenu jtedamuju vuyntuy

3-4 Vuryajchanatyaní Jüdenu, Vuyntyityu Jesucrístu jay, jiryatiy jaryi santutyadamuju jipyirutyadeda vadi jnyadamuju vuy. Jiryatiy Jesucrístu misasubeda diibyimusiý, ramusiý jita vuyntuy rajiju vuryeyarurya sisa, jiryatiy sabayada jarichuvimu vujyura, jiryatiy vuryecha datyavay daryaju. Ne taramuy rabaryiruy, dantyamuy ne rajarapuchara, ravichechara yechasara títaju. ⁵ Jiryatiy vutyuvachu simu, sabay variy jivyanuyadata carayadajisivyuy, santuy vuryiva jiryamityadeda momuju, jiryatiy sadityanu yivijada rundamu vuy.

6-7 Ramunítıy vuryıchanachara, dañuma vuñicha jarupantasavay taraquideju parucharımyusiy sutedamuju, satıdye jantya ratara vutyuvachoda yimu, darya rıryentya mamıy jııdatyara óru, rıryatıdye jatya rıvasırya runodi, ramachó rantyityura óru varıy. Óru jıta rabaryısara Vujye Judenuju day, vutyuvachoda jıta ne rabaryısara saju day. Ramunı vutyuvachoda vıchasara samıryavaju órujısiy saju, saıantya varıy parucharımyusırya. Jesucrıstu dıtyadoda rundamu jıta sadıtyanusara Judenu yıchanatyadamura vutyuvachoda, jıryatıy saıaryetada jıdyedyeñuju vuy, sabay varırya jıdyanuyada vuryıva. 8-9 Dañumamuy ne vuñıdyıyada sıva Jesucrıstu, vıvyata jaryıñı. Dañumamuy ne vuñıdyıdıe sıva dıdye, vutyuvachu varıy sımu day, vuryıchanay jaryı varıy, daryasarajutıy ne rasara vuñıquejada tuchodajura. Nıtyu vanda vıchajomunuma vuryıchanay varıdye, jıryatıy vutyuvachodamu santıyuchara vuryıva.

10-11 Rıñı datyaruñuyada jıta tarıy Judenuju tuchuvay vuryentyutyadanchıy, rutajadoda jaryı ranchıy jıryatıy sıanı jteda yasay Judenu vurya: ¿Nıtyura rundamu racha jıryatıy sadıtyanu Crıstu jnutu rıy, nıtyura rundamu? ¿Nıtyura rachasara rıvyıchada nıjyanvay varıy, nıtyura? Sadatyadoda Suntı daryaju rıy, nıtyu saparutyajayasara Crıstu rıvayu, sadatya varıy rıvasırya vandamu vıchada. 12 Sadıtyadoda varıntyıryı, ne rıjyu darya sanıquejada day, vıjyu jıta darya sıamıtuchoda day, jıryatıy

rityuchoda tuchuvay vuryivara. Rityuchoda Judenu Jnutumusirya, jiryatiy supajadani Crístu jarichumusi. Riñi datyaruchara jita Judenu tuunu vichavantyi vuryentyutyasadanchiy.

Vuryantya vichasara vase Judenuju

¹³ Ramunítiy jiryantya jdutyara jijechipiyajada, datyada jachityavay jiryecha, jiryatidye nutuy titaju jityuvachodata santyutyada momusi, jiryatiy sajita vuryimura varityi sadityanu Jesucristuntiyu. ¹⁴ Jiryecha sadadyeñu siityevay, ne jiryajudera jijechipiyajada ranachoju tariy jiryeniruyada rapurya, daryatiy jiryenirunuyada tara jiryatiy jiryevyichanuyada datyisamiy variy. ¹⁵ Daryatiy savichasara sami nítíy natuyada jirye, daryaday jiryechaniy samivye jivyichadedamujuyu. ¹⁶ Daryatiy nucharanuma Judenu niquejadamu darya:

“Jiryatiy ravyichasara sami, jiryecha samivye daryantidye.”

¹⁷ Jiryítatyi siva “Vujye,” nítíy sachaniy nuñi ti sitenu yivaayada murichirya, jiryantya ramityaniy jichuvuyadamu varirya jiryunda jijyomu. ¹⁸ Tapi jiryedyetyanuma nutyuramusiy sataryuyada Judenu jirye jiryevyichada rapuryajisiy jiryatiy jiryedyetyadara tarijyemyi vichasada. Tama sataryuyada criquiy rapuryata jirye, tama. ¹⁹ Sataryuyada jita Jesucristu jnutya nudata jiryedye, jiryatiy jaryinra criquimyusirya. Jaryi samirya daryajura sadiiyada day, vuryetyanusada jiyadaju. Daryatiy rityeryuyada tarijyemyirya jijyuuchueda ramityadeda samiy carniru

jnutya nudata, jiryatij ruveda jiyuuchuveda murichiryanij, daryanday sataryuyada Judenu vuryetyanusadantiy, Jesucristu batyedata sataryuyadara, jiryatimyu ne juuchaťi dañi. 20-21 Sabayada jita Judenu vuryeyada ráñujunij, mucadi judayadajisiy sabayadanij. Diye, tamitya rundamu jita, sadityadoda vuryeyadajunij, jiryatij vutyuvachu Jesucristumusiý simu, nitiy misadeda diibymusiñi, satidye say variy jidyanuyadanij. Ramunij vuryatuvachusara simu Judenu, vuryanutuchara variy sajiju Jesucristu.

22-23 Jiryatij jiryepyumyara jijeची, sitenu saniquejadamu tuvachuvay daryaju jirye, jiryatidye vatasara nutyu taryivedayu, jiryantya vata samiy jachityavay nuñi tevayu, jiryatij jiryevyicha vadi piruvye Judenu niquejadamusiý, ne diiyasavay variy jiryeñuday, jiryatij jnutya daryajura saniquejada day, rasuruy junareju risajuntiy. 24-25 Darya nuchara niday Judenu niquejadamu darya:

“Rivyicha nijyanvay nutyu vachuy, riryetyeda jita nutyu vachubyi. Ráridyeje vachuy, rajuy variy rabi; Judenu niquejada jita suruy junareju day.”

Ranij jita jiryiva tuchusada niquejada jiryatij samirya darya.

2

1-3 Ramunij jita jiryatij jiryejetyama daryaju yivasirya taji jachipiyajada, quivuyada, jiryituyadamu vichada, jiryennuvayadamu vichada, titaju jamirya niquejada jarye risaju,

ramunĭ jiryavātara Judenu niquejada jivevyedaju
jiryintumu, daryatiy savatasara vadi rupira
jityaja, jiryentyama daryaju sitenu samini
Vuyntyityu vujyu.

*Crĭstu vichasara ravichu jnuñu; vuvyicha sani-
jyanvay jaryetasavay
(Róma 9.32-33)*

⁴ Jiryiti ĵita simu, jiryatiy sajaryetada Judenu
nutyu ravichu jnuñujuni; dañuma riñi rrachu ni-
jyanvañi, sunuy Judenu jaryi samini satidye roriy
yajiju sata. ⁵ Saroriy variy jiryetya, nutyu ravichu
jnuvye jiryevyicha sisa daryajuntiy, satidye roriy
yajiju jasityi jiryajvaay ĵiintyevye saju, jiryatiy
jiryintatya simu jvaayadajuyu, sadirye variy Je-
sucristumusi jirye. ⁶ Sutañuyada daryaju jiryatiy
nuchara darya:

“Jiryajnuj, rabe rañijyanvay vichadamuni
ravichu, jiryatiy rajeryetada roriy
surutyajuni, jaryi sami daryaju rajuni.
Nĭtiy tuvachu simu, ne sajada variy.”

⁷ Jiryejyu ĵita, jiryatiy tuvachuvañuma jiryedye,
savichasara jaryi sami, va rijyu jiryatimyu ne ri-
tyuvachuruy simu, savichasara

“Javiryutyasi ravichu, jiryatiy riñi rrachoda ror-
ijvaavyeñi, sabamya Judenu variy Jiry-
orimyunĭ ravichu jaryiñu day.”

⁸ Savichasara

“ravichu casinuyata, jamu ravichu rip-
yarutedaju.”

Rityi vichasara tuvachusamiy rupatyeya
jijechipiyajadamu saniquejadanachoju, daryatiy
sabayada Judenu rijyura.

⁹ Jirye jita vichasara nijyanvay jaryetasavay Judenumu, nijyanvay jiintyasavay Judenuju, jiryatidye jvaay vatajuu saju. Sitenu saniijanvay jiryedye, jiryatidye tuchura sivaayada tittasara vijyomujache, nitiy natuyada juuchurveda nupocudinubesiý jirye, samirya vandajomuju. ¹⁰ Jiryatimyu ne jiryevyichanuyada nijyanvay nta, jiryeñiday vicha Judenu nijyanvay diye; jiryatimyu ne jiryedyetyanuyadara santutyada, jiryeñi jita datya diyera.

Vuryantya vichasara Judenu niruyadamuju

¹¹ Ravyatavay, rayasanta jirye, jiryatiy taji vichavay jijyomu vuy, vinu jañuvye jirya mucadimu vuy: Jiryantya jiintye vacha niruyadajisiy, tapi ruvachara vudyirya niruchara vuryintu jiyaroju. ¹² Jiryantya vichasara samivye, tuvachusamiy cabyimu, ramunitiy dañuma rityuchuta nutyu jamirya vichavay jirye, riryadiy samiy riva jiryevyichadede, riryatidye jchanatya rivani Judenu tamitya rundamu, jasityi samurichenutanirya vuryivaayada murichirya.

¹³⁻¹⁴ Jiryantya vichasara sabuvye, nijyanvay nusuyadamuju, Vuyntyityu jtedamu, varimyata jamu nutyityumuju, varimyata japumuju, jiryatiy sabay jamu nutyityuni japu satidye tanuvunu riy jamirya vichavay; ramujuntiy, satidye jchanatya variryi samirya vichavantyidye. ¹⁵ Tapi savata Judenu darya vujyu, vuryatidye dasaniy samirya vuvyichadedata riy datyisamiy, jiryatiy riñiquesarara nicyaray. ¹⁶ Vuryantya jiriryira ratyadoda, ne vuryajarupanu jadchiñundyerya. Vuryantya vichasara ratyanusavay, Judenu

muchechiy ratyadodamuju. ¹⁷ Vuryantya vicha samirya rusa titaju. Vuryantya vatasa riy vutyeryiveda Jesucristumu. Vuryantya diy vuchuvuyadamu variy samirya siva Judenu. Vuryantya tuvachu ramu jamu nutyityu niquejada.

*Vuryajantyara
parutyadanubesi*

Crístu

vichada

¹⁸ Jiryatuvachu cumudemiy, jiryantya vicha siityevay saju jipyatru jiryechuvuyadanube, ne vinu saju jiryatiy samirya jachityini, jachipiyajadati risajuni; sajuntiy jiryatiy niquerya dañi. ¹⁹ Tapi sucanyu Judenura vuryityi jachinityara parutyada vichada, jiryatiy jamirya jachipiyajadamu riryarupanta vuy, jasityi vujechiniy Judenunijyu jachipiyajadamu vuy. ²⁰ ¿Chi rajchanatya varivyuy, chi? jiryatiy vujechinitya tapimusirya suveda, jiryatiy ti jvay taji jvaayadiva vuy. Jasityi suveda samirya jvaayadiva vuy, vujechinitya tapimusiy varirya, rani jita Judenu jacharaju. ²¹ Ne jiryinuy sanatuyada Judenu ranachoju vuy, vuryatidye datyara jarupanusada sayadaju, daryani sadatyada Crístura jarupanusada vuryeyadaju. Nini vichada jantyasi vuju, vuryatidye jantya varirya savichadantidye. ²² Tama sani juuchurveda, tama, dantyamuy ne saquivuyada jiñiquejadata. ²³ Varityi riryavityiyeyadani, ne sumutyajada javityiyeyadamu variryi; varityi riryarupantadani, ne satuchutada jamirya niquejadata riy, mitya suntatyada Judenumujura, jiryatiy sachaniy vase rivaachadiva riy.

²⁴ Sadirya yimutyajada jivyuvara vujyuuchueda, jasityi sabatyeda crusityasa, vuryatidye vicha variy samivye Jüdenü jtedamujü. Sajiintyama daryaju vujyuuchuedajisivyuy, samisadedä Crístu vatajomusiy varivyuy, jiryatij vuvyichanuyada jdivajnuvay juuchuedamu.

²⁵ Vuvyichanuyada daryaju nutyu sasi caravyentyi, vuryanumityeñuma diye simujü vubeyanu jnutyintiy.

3

Nutyura ririvyichasara jamuvye

¹ Daryamusintyi riryasiitye vatuy jivyanuju; tanuy vanu vichasiy tuvachusa Jüdenü niquejadamu, satuvachuruy variy jivyaturuy vichadamusiy, dañumamuy ne nanatuchu tara siva Jüdenü niquejadanchiy. ² Darya racha jiryatij sadij nanuvanu riva nanuvichadedä suvuyadamu, jiryatij nanicha vaturuy samirya jvadiruy jivyanuju. ³⁻⁴ Nanundaniveda rachasara jijechemistry, jiryatij samirya jachityanuy daryaju nada, ne jarupantadaju racha nanundaniveda, jiryatij nanuvichasara siityejada jachityanuy, sabonu nanintu, jaryi ramurichevay Jüdenü diya daryaju day. Rindanivay, ne ravatara jnojasiy pisiyada, dantyamuy ne saratyanuta vandantij, dantyamuy ne sujatyera jaryi murichevaryä. ⁵⁻⁶ Darya jiryinuy rivyichanuyada tarijyemyi vatuy, samirya vichavay, Jüdenümü tuvachuvay; riryetyadoda jijechemistryu, jiryatij rivyichanuyada sabuvye jivyanuju,

daryatiy nanusiityenuyada Sárájube jivyanu Avurábajyu, naniteda nutyityu variñi. Jiryeñicha nanudadyeñu jasityi jiryavichaniy samiryamu, ne jiryasuvuy suvucharamomusiy.

⁷ Vaduy jita, daryantya riryechasara datyada jachityavay jivyaturusa, jiryatiy suñdejada Judenu ni vatura vadiiryonu vanumusiy. Riryajnyu vaduy samiy riñecho jivyatuy, jiryatiy rumutyá jidchavu rusara Judenu jantyutyada, junare jnyadaju, rañuma sura varirya rityuchoda sisa Judenu.

Riryarupanta samirya vuvyichadiva vuy

⁸ Rañique tamitya jiryiva titaju, vuryantya jachipiyasara vatajuu, vuryantya vichasara vutyeryivedaniyyu jachipiyavay, jiryatiy jaryi vuvyata vuy; vuryantya jantyutya nuñivajyuu vuy, samirya jachityavay vichadamuju.

⁹ Ne vuryamurichenu taji vichadedatani nitiy vichaniy taji nta vuy, dantyamuy ne vuryajavityiyeñi nitiy javityiyevyuy. Vuryantya nique samirya sanijyu jiñiyaresiy, vudyetya daryaju sanatuyada Judenu ranachoju vuy, vuryatidye jmutyara samirya vichada sutedamu.

¹⁰⁻¹² Nucharanuma daryaju Judenu niquejadamu darya;

“Nitiy jnuryuy, saramityaniryuy samiryamura jiryundantiy, sama suutara vacha niquejada yitosiy, saparuy riva quivuyadantiy. Sama juintye vacha vichadajisiy, satidye vicha samirya; sama vata ranacho samirya vichasada, satidye sarye varirya. Tapi sunuy Judenu samiy

riñecho rityi vicha samivye sutedamuju, satuvachusara jita varirya rijechnuyada. Sanumitye jita riryajisiy jiryatiy vacha vichavadyeryi.”

¹³ Ne chi rachaniy tara jirye riva nuday, jiryetyi jiryiryi vichadeda samirya. ¹⁴ Variñumatiy riryarupanta samirya vichadivasiy jirye, jiryecha jchanatyasavay variy. Ne jiryasuvuñi ti, dantyamuy jiryajnutay riñuma jatachu rata jiryetyuvachodajisiyu. ¹⁵ Jiryantya bañi Crístu jiryejechiy nutyityuju, jiryama jachipiya samiy, jiryatidye datya jmutyajada vijyomujachení nítíy jtajanu yintuyadanchiy jirye, jiryatiy jiryentuy sajiju. Jiryajmutya tapimusiñi, jiryechuvuyadamusiy. ¹⁶ Jiryantya vichasara samivye Judenu diya, riryatidye jada variy rityi tuchuta quivuyadamu jiryevyichadedivayu, jiryatiy Crístu siityarivay daryaju jiryedye. ¹⁷ Satiy vata Judenu darya jiryejyu, dañuma riryajarupanta samirya vichadedivasiy jirye; ne samirya jiryavichaniy nicyarariy jiryatiy riryarupanta jirye. ¹⁸ Tapi daryantiy, dañuma sanichanuyada Crístu samí, sarupantatadeda Judenu nicyaray vichavay vichadeda murichiryani, sabatyedama variy rijyuuchuveda jiyadaju, satidye tuudityaniy Judenu variryi. Dañuma ruvedara savu, samisada variy yintumusiy. ¹⁹ Suntumusiy jita jiyada variy tuchu ribeyanuju, jiryatiy tanuvunujovimu riy. ²⁰ Rivyichanuyada tuvachusamiy daryaju, jamu cartye jvaayadasaraju, jiryatiy sivaayada Novébay tarirya; sajachinityada Judenu

tapimusirya nicyaray rivyichadede nijyanvay variy, rarundasaraju jasityi saparutada jata riy, vinu munvañijyate machojada riryiina, jiryatiy rijeyada cartyevimu, rantyuyada ja variy ruuva, jiryatiy rappayajada cartye variy jamova. ²¹ Daryamusintyi rantyuy ja jiryiva jiryityuyadamusiy; ne jiryatiy rapurya mi jiryevyuvasiy, ramusiy jita, jiryatiy jiryimutya samirya jachityavay: “¡Jo, ratyuvachu!” Daryamuni rantyuy nta ja variy jiryiva Jesucristu misadamusiy. ²² Nini jita vichasara diye Judenu nutyityudamyu, jiryatiy sitojadama jarichumu, variñuma sasabodeda Judenu saju riy yipavay, bayantu nutyityumiy jarye.

4

Vuryantya jvaay jasicharajutiy sasay Judenu vuy

¹⁻² Ramutiy, nutyu savichada Cristu paruchariy jivyumu, jiryantya vanutya darya jachipiyajadatayu, tapi nitiy vicha paruchariy vichadata jivyumu, nini paruy riva juuchuveda, satidye ramitya varirya jiryunda jiyomu Judenu niruyadamu, ne savichasara jidyirya niruyadamu nunday. ³ Rasaranuma jita jiryatiy tariy vuvyichanuyada vacha niruyada jvaayadacanimiy, daryani rivyichasara tuvachusamiy. Vuvyichanuyada variy jarupadodacanimiy, vacha niruvye, niyuyadacanimiy jarye, rayajomu jiyadacanimiy risaju vuy. Vuvyichanuyada variy taji nta vichavay, jiiputeranachaju jachipiyajadamuntiy, jiryatiy Judenu jubachara vuryajisirya. ⁴ Rityitta jita

tavay varivvyuy jiryatimyu ne vuryupiryuy datyisamiy rusa nūday, riryavityiye variy riva vuy. ⁵ Riryantyate tūchu siva Jūdenu dārya rivatīy sāchanīy tara rivyichādiva tītaju jnūvyeyu, diibyimīy jarye. ⁶ Ramunītiy satuchoda Jesúsra samituchoda ruuva, diibyimivya jarye, riryatīdye jnūjeyasara tarījyu yintumu, Jūdenu jtedamujū, dañuma ridyīiyada nūtyu tavay diijeyasara jīyuuchuve dacosiy.

⁷ Ratuudiñumara tītaju vūpyaruteda, ramunī jiryēcha datyanuvay, vanīravay jarye, jiryatīdye jachīpiya Jūdenusā tuchodaju variy. ⁸ Jiryantya vata jaryi nuñi jiryeyu, tapi vūvyatadamu vūryamityara rajuura vūtyevay juuchūveda. ⁹ Jiryantya jmutya jañūvye nuñi jiryeyu, samīrya jachīpiyajadamujū. ¹⁰ Jiryatīy sasayada Jūdenu nuñi tīquira tara ratatīy riryajmutya riy jītyevay, vuryantya jmutya nuñivajyuu vuy, daryatīy vuryimutyara jaryedo simusiy. ¹¹ Nītiy jmutya jīñiquejadata, santya nique Jūdenuju; nītiy jmutya jvaayadata, santya jvaay daryasarajutīy sasay Jūdenu savanuyadayu, riryatīdye jchanatya nijyanvay rivani Jūdenu, Jesucristu jtyamu. Simunī jīta rachasara tītaju vanda, nusuyada nutyityu tītaju junareju. Daryani ramachosara tītaju.

Paruchariy vichadata riryajiyasanta vuy

¹² Ravyatavay, ne jiryatītta rajīju jantyasarayu, ratatīy sajantya Jūdenu nūtyu jīdatya nta jirye. Tamā tara tīttasara ranīcha, tamā. ¹³ Jiryantya jchanachara ramu daryasarajutīy ritī jarupantasa Crīstusa, jiryatīy jiryeyarūryara, jiryatīdye

jchanay jiyarovayajadamuju, sanumaty ditya-nura jidyanyada.

¹⁴ Rityi javityiye Crístu jtya jiyadasiy jirye, jiryecha varyi jchanatyasavay riva, tapi racha Judenu Jnutu danuyada jiryiva varyi. ¹⁵ Jatyí savicha jíta tî jiryetyenu juvi, dantyamuy ne paranuni, dantyamuy ne vacha jvaarya, dantyamuy ne tisa jityenurya, ramutimyu ne riryavichaniy tarani. ¹⁶ Nitíy vicha jarupantasi jiryatyí sasiityari daryajuni Crístu, ne sajada varyi jichiityarijadiva, santya jchanatyani Judenu varyi ramusiy. ¹⁷ Ritíma jíta rarunda satidye jota vichadedada Judenu tara nta riy jiñijyanvay, rijyuuchurveda jiyadaju. Jiryatyí rajota munatya vuñijyu, nutyuranintiy racha tamitya riñijyu rityimyu ne tuvachuruy samituchodamu jiryatyí Judenumusirya. ¹⁸ Parucharimiyusityi vuñi ramitya, jiryatyí sutedamu samivyevyuy, ¿te riryajto varyi rityimyu ne datyaruñi Judenu, te? jiryatyí juuchataavay jarye risaju riy. ¹⁹ Ramunítíy jiryatyí parucharíñube vuchiityarini Judenu yitedamu, vuryantya jnutatyaní vuryintu simu Vuryindenu, samiy vuvyichadedamu vuryantya jnutatyaní vuryintu simu, nitimyu ne quivuyada sadatya bayada junare jnuyadajuni.

5

Riryajnutya rimyityumiriyi Judenu siityarivay

¹⁻² Jiryatyí ravyicha Judenu siityarivay jnutyi, ratyuchu vijyomujachentirya jiryatyí radyi riva saparutyada Crístu, radatya sisantirya vandantiy, jiryatyí sadityanu Judenu varyi simura. Ramuni

rayasanta jirye ratyevay jnutyavay: Jiryantya potyaniy Judenu niquejadata riy sasiityarivay jiquebyimu. Jiryantya jnutyasara vanira jachityavaryi, Judenu jtedamuju, ramunitimyu ne sunutyataniy ti jirye, dantyamuy ne jiryatidye canarya criqui rapurya ramusiy. ³ Dantyamuy ne jiryasaboniy nutyu nutyityumiryi Judenu siityarivay; jiryecha jita jantyasavay samiy vichadaju rijyu varyi. ⁴ Sanumatiy jutí jnutyavay nutyityu Jesús, jichiityarivay jnutyi, jiryajmutya varyi simusirya jiyarurya vanda parenu day, jiryatimyu ne vanay jarapurya.

⁵ Daryamusintyi rayasanta jirye vaderovay, jiryantya tuvachu ruumu rimyityumiy. Jiryantya tuvachu titaju nuñi jirye yimu. Siityejada jachityavay jiryecha, nucharanuma daryaju Judenu niquejadamu darya:

“Sayaronu Judenuni yinnuvañu, sasay jita yimutyadani jiryatimyu ne yinnuvañu dañi.”

⁶ Ramuni jiryechasara sabonusavay Judenu datyadamusiy, satidye nubesityaniy samiryundamu varyi jirye. ⁷ Jiryantya jatyara jijechipiyajada sanijyu, jiryatiy sunutyasara daryaju jirye.

⁸ Jaryi yinutyavay jiryecha, jiryatidye jnuty anumaya sajisiy bayantu nutyityu Satanásiyu, tapi savutayasara nijyanvañecho, ripyarutedaju, nutyu nibyi jachijadacanu.

⁹ Jiryantya vanutya jityuvachodamu sajisintiyiyu, jiryedyetya daryaju: ridyetyanaya jiryetyevan-tyirya darya parutyadantiy, titaju vichadivantiy.

¹⁰ Jiryeñumatiy datya taraquidejura parutyada

sayadaju, saratyanu Judenu samivyejyu variy jirye, sasurutyaniy variy risaju jirye, savanutyaniy variy jiryentyi. Niní say títaju vurya vuryentyutyadaju, jiryatiy sanatuy jivyichajo vandajomuju vuy, sadenu Crístumusiý jiñatuyada junare jnyadaju vuy. ¹¹ ¡Saju jita rachasara vanda nusuyada junareju! ¡Daryanuma rachajayasara!

¹² Rañúmyara jirya caterade jiryejyu. Rañúy Sinubánutara, nítíy jiryítay jityeryi tuvachura. Rayasantasiy catera núcharata jirye, ratyuchuma jítara sitenu Judenu sayada vuryeyadaju. Jiryantya rupade jije chityara.

¹³ Rimyuchuvay jiryetyevay siityarivajyuuyu, jiryatiy Babinóniyamu vichavaryi, Judenu jaryetasavay jidchavu jirye. Daryantiy samuchuvay Márcu jirye, radyenu ritay daryajuni. ¹⁴ Jiryantya muchuvay Judenu vatadamu nuñi jiryeyu. Samirya jiryecha títaju jiryatiy Jesucristumu jirye.

Sayanuma Pyítru

Judenu jto nijyanvamyu **New Testament in Yagua (PE:yad:Yagua)**

copyright © 2008 Wycliffe Bible Translators, Inc.

Language: Yagua

Translation by: Wycliffe Bible Translators, Inc.

Yagua [yad], Peru

Copyright Information

© 2008, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Yagua

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

741209ce-3bea-5617-a721-dc112d0873cd